

կեաց զամենայն տունն Յունաց մինչև  
Երուսաղէմ՝ որ է Հրէաստան:

Փոկաս սկսաւ յամի Տեառն Օճ'Բ.  
ինքնակալեալ ամն Ը: Յաւուրս սորա  
առին Պարսիկք զԵրուսաղէմ և բազում  
աշխարհս 'ի Յունաց, եկն 'ի յԱփրիկոյ  
Հերակլիոս և սպան զՓոկաս: Յաւուրս  
սորա կարգեցաւ յիշատակ և տօնն ամե-  
նայն սրբոցն Եստուծոյ 'ի նոյեմբերի մէկին:

Հերակլիոս սկսաւ յամի Տեառն  
Օճ'Ժ. ինքնակալեալ ամն ԻՂ: Յա-  
ւուրս սորա Պարսիկք գնացեալ յԵրու-  
սաղէմ այրեցին զամենայն տնօրինական  
տեղին, և զսուրբ Խաչն ընդ Պատրիար-  
քին տարան գերի. և գնացեալ Հերակլ  
'ի Պարսս, յաղթեաց նոցա և դարձոյց  
զսուրբ Խաչն յԵրուսաղէմ: Եւ զար-  
դարեալ զինքն՝ ունելով զսուրբ Խաչն  
'ի յուսն՝ ելանել կամէր ընդ դուռն Պող-  
ղոթային, և փակեցաւ ընդդէմ նորա: Եւ